

## 廈村友恭堂 鼎建贊惠二公祠配享碑

族有祖祠，猶萬山之有崑崙，百川之有星海也。追遠報本，祖祠之建，所由來矣。我南陽鄧氏贊惠二公，先世為 祖高宓侯仲華公之後。今奉 始祖承務郎漢獻公，迺江西吉安府吉水縣白沙里人，娶安人秦氏，生一子貢元冠。冠生旭。旭生符，字符協，登宋進士，宦仕入粵，任陽春令。致仕居隱，遊覽新邑，樂廣土風俗之淳，山水之勝，卜居桂角之岑田，即今錦田鄉。築室瀛齋，聚朋講學，擇地安塋，創建桂角書田之業。生二子：陽、布。陽生珪，珪生元英、元禧。布生瑞，瑞生元禎、元亮、元和。逐分為五大房，立大宗祠於莞城南隅，而歲時禱祀，無遠弗集。逢念 始祖以來，至今二十有八世。子姓殷蕃，衣冠日盛。星羅碁布，環列而居者，奚翅億萬戶，猗歟盛哉。非烈 祖德業，積厚流光，何以得此。是以按支尋派，從分房初祖承直郎元亮公，值宋高宗南渡時，國事多艱，公任贛縣令。勤王詔下，提兵入衛，遇宋幼姬於兵燹塵中，奉之以歸，子其子。自明公得尚 帝 姬趙氏，宋高宗皇帝之女，光宗皇帝之姑。受封稅院邵馬。遷居莞城，為世族。明生第四子諱梓，宋室帝甥。梓生榮叟，榮生辛翁，翁生壽祖。宋元革造，子孫木手韜晦潛隱。幸壽祖仕元，官拜提領忠武校尉，復居錦田。生二子：處安、敬安。處安生康仁。仁生武洪生、洪惠。敬安生德荷，荷生洪儀、洪贊。分四房，而洪生公分居莞邑、香山、小坑等處。洪儀公原居錦田峯員朗，今子孫各立祖祠 而奉祀兩公焉。遡贊惠二公，漢獻公十五世孫，分房初祖元亮公九世孫。贊祖號白馬，洪武乙丑生，惠公再從兄也。生三子；理泰、理剛、理柔。惠祖號西園，洪武辛未生，贊公再從弟也。生三子：應輔、應弼、應佐。追憶二公生平，賦性潛慤，隱居自樂，怡情海山之美，尤精地學。見廈村地盤度闊，魚鹽之利，甲於海邦，故由錦田而遷居廈村，開基東西頭里，為兩房鼻祖。先年念二公開基勤勞，建立祠宇一座，在本鄉土名大村內，歲時禱祀，非一日矣。第歷年久，祠宇傾頹，族父老議捐重修。惜地淺隘，謀諸族內紳士耆老。少長咸集，僉謂祠宜遷居楊莆。其地坐對秀峯，大潮灣環，為地靈鍾毓之最。上可以妥靈，下可以福子孫。爰集子姓，公議一堂，立條例，定規模，清逋積，推首事，一時綱紀犁然。將二金營業，土名西山墘崗頭，山租捌石四斗，與孫作泰書兌楊莆秧地，租捌石四斗為祠地。己巳仲冬，卜吉上樑立基，勉力建造祖祠三座，廚房兩間。至庚午孟冬竣工告成，辛未孟春奉 主陞座。是日也，烈 祖頤之，以妥以侑，喜可知也。雖然，猶費籌度者：計屋宇木石工料，共費銀貳千玖百餘兩。二公創業，遺積無幾。不敷之項，尚虧壹千餘兩。百念維思，難以措辦。遍告兩房子姓，衎主人祠配享者，每主捐銀貳拾兩。兩房踴躍欣然出貲，配享主四十八位。共捐銀玖佰陸拾兩，與舉事董理之人祠中用費。餘置配享營業，為祖祠春秋禱祀之需。昭穆於此序焉，明德於此薦焉，仁考於此申焉，宗族於此薦焉。固亦衍我 烈祖福無疆之一助也。尤慮世遠年所，營業可以任子孫為分蠲，而配享之田，不得任子孫為分蠲。蓋必配享之裔，始得董理配享之田，以與春秋禱祀。如此，既不使營業統同為配享，而亦不使配享混作為營業，庶幾哉，享祀不忒，而二公祖祠其永有光乎。爰以一言定其規條，紀諸碑石，豎於祠右，俾後子孫有所鏡焉。列其出貲配享，併以世次，書名於左：

計開：

栢廷祖捐銀貳拾兩 居易祖捐銀貳拾兩 思樂祖捐銀貳拾兩 東陽祖捐銀貳拾兩

太初祖捐銀貳拾兩 南全祖捐銀貳拾兩 悅孚祖捐銀貳拾兩 慎隆祖捐銀貳拾兩

集興祖捐銀貳拾兩 高宇祖捐銀貳拾兩 靖服祖捐銀貳拾兩 淡志祖捐銀貳拾兩  
為悅祖捐銀貳拾兩 弘菴祖捐銀貳拾兩 莘菴祖捐銀貳拾兩 雖伏祖捐銀貳拾兩  
苑良祖捐銀貳拾兩 聖贊祖捐銀貳拾兩 逸齊祖捐銀貳拾兩 淳圃祖捐銀貳拾兩  
濟川祖捐銀貳拾兩 念積祖捐銀貳拾兩 樸菴祖捐銀貳拾兩 奕遠祖捐銀貳拾兩  
悅沼祖捐銀貳拾兩 榕友祖捐銀貳拾兩 仰峯祖捐銀貳拾兩 君尚祖捐銀貳拾兩  
海涵祖捐銀貳拾兩 美斯祖捐銀貳拾兩 堯章祖捐銀貳拾兩 蒼悅祖捐銀貳拾兩  
隱樸祖捐銀貳拾兩 肖峯祖捐銀貳拾兩 丹峯祖捐銀貳拾兩 永隆祖捐銀貳拾兩  
芳卿祖捐銀貳拾兩 南樸祖捐銀貳拾兩 潛齊祖捐銀貳拾兩 彥吉祖捐銀貳拾兩  
藝富祖捐銀貳拾兩 毅菴祖捐銀貳拾兩 靜菴祖捐銀貳拾兩 懷慎祖捐銀貳拾兩  
懷醇祖捐銀貳拾兩 恒澤祖捐銀貳拾兩 經君祖捐銀貳拾兩 汝高祖捐銀貳拾兩

洪贊祖房捐置配享春秋祀田、嘗租叁拾石

開列：一、土名陳壠田租斗穀壹拾捌石。一、土名青魚涌租斗穀捌石正。

一、土名莆瓜嶺租斗穀肆石。

洪惠祖房捐置配享春秋祀田、嘗租叁拾石

開列：一、土名四(左田右令)租斗穀捌石捌斗。一、土名羊莆租斗穀柒石陸斗。

一、土名水莆租斗穀伍石陸斗。一、土名蛟塘租斗穀捌石貳斗。

建祠董理首事裔孫：翰儒 友仁 善友 祚顯 福顯 時金 林鍾 文龍 啟良 朝樑 儒彥 著

乾隆十六年歲在辛未仲秋 穀旦闔兩房裔孫翰屏 繼遇等仝立謹識。